

MISA CON NENOS

12 de maio de 2019

Domingo 4º de Pascua - C

XOÁN 10, 27-30: *“Eu dou a vida eterna ás miñas ovelas”.*



**Xesús, BO PASTOR,
lévanos ao Pai.**

1. ACOLLIDA

Irmáns e irmás: Desde hai máis de dous mil anos, as comunidades cristiás reúnense o día do Señor, para escoitar a súa Palabra e celebrar a Eucaristía. Hoxe celebramos, neste cuarto domingo de Pascua, a festa do **Bo Pastor**.

Todos coñecemos a figura do pastor acompañando as súas ovellas. É unha figura moi familiar aínda que dura para os que a exercen. Xesús dinos: **“Eu son o Bo Pastor”**. Preocúpase polas súas ovellas, coñéceas e cóidaas. Guíaaas e lévaaas a bos pastos. Reúneas, deféndeas e dá a vida por elas. E tamén para el foi duro ser o noso Bo Pastor. Imos celebralo e recordalo.

(Saímos cun cartel cunha frase: “O Señor é o meu Pastor”. Debuxamos a Xesús Bo Pastor e a cada neno dámoslle unha ovella para poñelas no ofertorio á beira de Xesús para que nos coide e o sigamos).

(Sacerdote) -No nome do Pai... Cristo resucitado que nos coida, nos sanda e nos leva ao Pai, sexa convosco...

2. ASPERSIÓN COA AUGA

MONICIÓN á Aspersión: O día do noso bautismos fomos incorporados ao grupo de seguidores de Xesús. Por iso, neste tempo de pascua, recordamos aquel momento coa aspersión da auga. *(Aspersión)*.

(Sacerdote): Que Deus misericordioso nos purifique do pecado e, pola celebración desta Eucaristía, fáganos dignos de participar do banquete do seu Reino. Amén.

3. PERDÓN (Alternativa)

(Sacerdote): Pedimos perdón polas nosas faltas e pecados.

(Posible catequista): -A Ti que es o Bo Pastor que coñeces o noso nome e ata das a vida por nós, dicímosche: **Señor, ten piedade de nós.**

(Posible pai - nai): -A Ti que curas as nosas feridas e nos axudas nas nosas preocupacións, rogámosche: **Cristo, ten piedade de nós.**

(Posible neno - nena): -A Ti que nos ofreces o camiño ata chegar ás fontes de auga viva e nos regalas con pacientes cuidadores e con bos pastores desde a nosa nenez, pedímosche: **Señor, ten piedade de nós.**



4. PALABRA DE DEUS

MONICIÓN ÁS LECTURAS

Neste domingo, a primeira lectura, o salmo e a segunda lectura invítannos a alegrarnos porque a Boa Noticia de Xesús rompe todas as fronteiras e alcanza a todos os pobos. No evanxeo fálasenos de Cristo resucitado como o Bo Pastor que nos coñece, cóidanos e dáanos a vida eterna.

FEITOS DOS APÓSTOLOS 13, 14. 43-52: Sabede que nos dedicamos aos xentís, nós e o Espírito Santo.

Naqueles días, Paulo e Bernabé continuaron desde Perxe e chegaron a Antioquía de Pisidia. O sábado entraron na sinagoga E e tomaron asento. Moitos xudeus e prosélitos adoradores de Deus seguiron a Paulo e Bernabé, que falaban con eles exhortándoos a perseverar fieis á graza de Deus.

O sábado seguinte, case toda a cidade acudiu a oír a palabra do Señor. Ao ver o xentío, os xudeus enchéronse de envexa e respondían con blasfemias ás palabras de Paulo. Entón Paulo e Bernabé dixeron con toda valentía: «Tiñamos que anunciarvos primeiro a vós a palabra de Deus; pero como a rexeitades e non vos considerades dignos da vida eterna, sabede que nos dedicamos aos xentís.

Así nolo mandou o Señor: “Eu púxente como luz dos xentís, para que leves a salvación ata o confín da terra”»

Cando os xentís oíron isto, alegráronse e encomiaban a palabra do Señor; e creron os que estaban destinados á vida eterna. A palabra do Señor íase difundindo por toda a rexión. Pero os xudeus incitaron ás señoras distinguidas, adoradoras de Deus, e aos principais da cidade, provocaron unha persecución contra Paulo e Bernabé e expulsáronos do seu territorio. Estes sacudiron o po dos pés contra eles e fóronse a Iconio. Os discípulos, pola súa banda, quedaban cheos de lelicia e de Espírito Santo.

Palabra do Señor

SALMO 99: Nós somos o seu pobo e ovellas do seu rabaño.

Apocalipse 7, 9. 14b-17:

O Año apacentaraos, e conduciraos cara a fontes de augas vivas.

XOÁN 10, 27-30: *Eu dou a vida eterna ás miñas ovellas.*

Narrador: Naquel tempo, díxolles Xesús:

Xesús: -«As miñas ovellas *escoitan* a miña voz, e eu *coñézoas*, e elas *séguenme*, e *Eu doules a vida eterna*; non perecerán para sempre, e *ninguén as arrebatará* da miña man.

O meu Pai, que mas deu, supera a todos, e ningúen pode arrebatálas da man do meu Pai. Eu e o Pai somos un».

Palabra do Señor.

(Narrador-Xesús)

5. ORACIÓN DA COMUNIDADE

(Sacerdote): A Xesús, o Bo Pastor e guía, presentamos a nosa oración. Facémolo a través de María, dicindo:

-Bo Pastor, roga por nós.

1.- Para que a Igrexa dea testemuño crible e eficaz de que Deus sempre está presente no medio de nós. Oremos.

2.- Para que a mocidade se decida a seguir a Xesús e a traballar polo anuncio do seu Evanxeo. Oremos.

3.- Para que, buscando espazos de silencio, escoitemos a voz de Cristo, que nos comunica unha mensaxe de esperanza e sexamos capaces de interiorizalo e facelo realidade na nosa vida. Oremos.

4.- Para que escoitemos os sufrimentos dos abandonados, dos enfermos, dos que dubidan e atopan en nós, unha man amiga que lles coide e fálelles do Bo Pastor. Oremos.

5.- Para que as tarefas pastorais que estamos realizando na nosa parroquia dean abundantes froitos. Oremos.

6.- Para que Xesús, o Bo Pastor, nos encha de vida e de graza. Oremos.

7.- Pidamos polos sacerdotes da nosa parroquia. Para que sexamos os seus colaboradores. Para que o Señor lles dea forza para seguir adiante no anuncio do Reino de Deus. Oremos.

(Sacerdote): *Veña a nós o teu Reino, Señor, como o esperamos de ti. Por XCNS.*

5. PRESENTACIÓN DE OFRENDAS (Posibilidades)

- CAXATO (bastón):


Señor, con este caxato, queremos darche grazas polos nosos sacerdotes. Eles invítannos a escoitar a túa Palabra, a seguir os teus camiños. Protéxeos e que a súa presenza sexa para nós un motivo para crer máis en ti.

- VARIOS NENOS CADA UN CUN DEBUXO DE OVELLA (colócanse no cartel xunto ao Bo Pastor):

Señor, nós queremos seguirte. Se Ti es o Bo Pastor, nós somos ovellas que queremos ser felices con aquilo que Ti nos dás e Ti nos prometes. Que te coñezamos máis, que te amemos máis e che sexamos máis fieis.

- PAN E VIÑO:

Con este pan e viño dámosche grazas polo alimento da Eucaristía. Que nunca nos falte. Só así poderemos seguir os teus senllas. Dá forza sobre todos aos nosos pais e educadores que nos dan o mellor das súas vidas e buscan o mellor para nós.



POSIBLE ACCIÓN DE GRAZAS

Xesús, sé o noso pastor

Xesús, cada domingo vimos á comunidade parroquial a atoparnos contigo, a sentir a túa presenza resucitada no medio de nós.

Hoxe no evanxeo recórdasnos que **ti es o Pastor bo** que nos queres, cóidasnos, guíasnos, dás a vida por nós e alimentas a nosa fe.

Pero ti déixasnos unha verrea, un camiño a seguir. Queres que a nosa fe se note tamén no afanarse e darnos aos demais, no servizo desinteresado.

Hoxe fasnos tamén unha chamada a ser pastores uns dos outros, custodios, acompañantes, coidadores da creación, tendo respecto por todas as criaturas de Deus e coidando tamén de nós mesmos.

Grazas Señor polos que nos acompañan e nos coidan: pais, profesores, catequistas, educadores. Que realicen esta bela tarefa con bondade, con tenrura, con amor.

Xesús, sé ti o noso pastor, así irás connosco, o teu caxato soste ranos e nada nos faltará. E os que creemos en ti, os homes e mulleres de fe de hoxe, seremos os primeiros en dar vida a todos.

FELIZ DOMINGO, DÍA DEL SEÑOR

RED CATEQUISTAS GALICIA